




Dicon e CUEBA di GUADIRIKIRI tin un buraco den e dak?

Pa Addonsito Croes dedica na Ernesto Rosenstand (dfm)

"Princesa WADIRIKIRI, en-
amora di un Principe Venezo-
lano PLUMA BLANCO, a
sufri debi cu Indjanan envid-
ioso, a scondè den e CUEBA
SCUR pa asina kibra nan
amor. PLUMA BLANCO a
busca y rescata su amor ano-
chi y hunto nan a huy. Mainta
Indjanan a topa e cueba bashi
cu un buraco grandi den e dak
cu un texto bisando: DIOS
SOLO a bin busca Princesa
Wadirikiri".....
Saca for di "KUENTANAN

RUBIANO"-- ERNESTO
ROSENSTAND (Rip).
E siman cu a pasa, nos a des-
pedi di un maestro cu di basta
hoben, mi tabata admira. Cu
17 aña mi tabata su bisña den
Venezuelastraat na Playa.
E tempo ey Ernesto tabata e
meneer cu tabata duna infor-
macion valioso pa mi ruman
mayor ERIN su seccionan na
radio manera: "PENSAMEN-
TO DI DIA", "BO TABATA
SA" y "PAPIAMENTO DI
PAPIAMENTO". Tur atardi



Ernesto tabata deposita e pa-
pelnan den nos box na cas. Mi
tabata papia cu n'e y puntr'e
cosnan di bida y expresa
mi deseo di un dia por ta un
meneer di scol. Mi tata AD-
DISON CROES (dfm) tabata
contami di e talentonan gran-
di como escritor cu Ernesto
tabata tin. Mi a cuminsa sigui
su pasonan tur diasabra mi ta-
bata scuche na Radio Galacti-
ca den "Warwaru Musical" pa
siña mas tocante otro partinan
di mundo y Aruba. Su humor
tabata unico y su inteligencia

y pasion pa enseñanza, mas
ainda. Tambe Ernesto a causa
un impacto grandi riba mi
como teener di 17 aña ora el
a regalami su buki na Spaño
titula "La Gitana Lusitana".
Un storia di amor cu ta den
mi mente keto bai. Otro im-
pacto grandi tabata e buki
"KUENTANAN RUBIANO"
cu ta storia nan di indjan cu
titulonon di lugarnan y bari-
onan importante di Aruba
manera: Makuarima, Guadi-
rikiri, Kudawecha, Andikuri,
Kanasito y mas.... Mi a lesa

e buki aki mas cu 10 biaha.
Cu su buki nan "WAWA
DEN MONDI" y "E SOÑO
DI WAWA" mi admiracion a
crece hasta mas. Pa medio di
storianan cu animalnan den
mondi ta conta, Ernesto a siña
tur hende algun custumber y
cualidadnan di nan.
Sosega trankil y danki pa tur
cos, Ernesto! Mi a siña hopi
mes di meneer Ernesto y e
tabata un di mi escritornan
preferi Arubano! Su inspira-
cion tabata grandi pa cu mi
Revista Infantil "KINIKI".

Telefonnan di DIARIO

Tel: 582 6747 Fax: 582 8551